



বাংলাদেশ কনসুলেট জেনারেল
টরন্টো, কানাডা



প্রেস বিজ্ঞপ্তি

১৭ মার্চ ২০২৩

বাংলাদেশ কনসুলেট জেনারেল, টরন্টোতে আজ ১৭ই মার্চ যথাযোগ্য মর্যাদা ও উৎসাহ উদ্দীপনার মধ্য দিয়ে সর্বকালের সর্বশ্রেষ্ঠ বাঙালি, জাতির পিতা বঙ্গবন্ধু শেখ মুজিবুর রহমান-এর ১০৩তম জন্মবার্ষিকী এবং ‘জাতীয় শিশু দিবস-২০২৩’ উদযাপন করা হয়। এ উপলক্ষে বাংলাদেশ কনসুলেট দিনব্যাপী কর্মসূচির আয়োজন করে। সকালে বাংলাদেশ হাউসে জাতীয় পতাকা উত্তোলনের মাধ্যমে দিবসের কর্মসূচী শুরু হয় এবং দ্বিতীয় পর্যায়ে শিশুদের চিত্রাঙ্কন প্রতিযোগিতাসহ আমন্ত্রিত অতিথিবন্দের অংশগ্রহণে কনসুলেট প্রাঙ্গনে এক আলোচনা সভা অনুষ্ঠিত হয়। অনুষ্ঠান সূচিতে ছিল বাংলাদেশ ও কানাডার জাতীয় সংগীত পরিবেশন, জাতির পিতার প্রতিকৃতিতে পুস্পক্ষেত্রে অর্পণ, মহামান্য রাষ্ট্রপতি, মাননীয় প্রধানমন্ত্রী, মাননীয় পররাষ্ট্র মন্ত্রী এবং মাননীয় পররাষ্ট্র প্রতিমন্ত্রীর বাণী পাঠ, বক্তব্য উপস্থাপন, চিত্রাঙ্কন প্রতিযোগিতার পুরস্কার বিতরন, সংক্ষিপ্ত সাংস্কৃতিক অনুষ্ঠান, কেক কাটা ও বিশেষ মোনাজাত।

উপস্থিত আমন্ত্রিত বক্তাগণ জাতির এই স্মরণীয় দিনে মহান নেতা বঙ্গবন্ধুর শৈশব, দূরদৃষ্টিসম্পন্ন সুনীর্ধ রাজনৈতিক নেতৃত্ব এবং সংগ্রামী জীবনের উপর আলোকপাত করেন। একইসাথে এ বছরের প্রতিপাদ্য ‘স্মার্ট বাংলাদেশের স্বপ্নে বঙ্গবন্ধুর জন্মদিন, শিশুদের চোখ সমৃদ্ধির স্বপ্নে রাখিন’ -এর উপর গুরুত্ব সহকারে আলোচনা করেন।

কনসাল জেনারেল জনাব মোঃ লুৎফর রহমান তাঁর বক্তব্যের শুরুতে বাংলার অবিসংবাদিত নেতা সর্বকালের সর্বশ্রেষ্ঠ বাঙালি, জাতির পিতার স্মৃতির প্রতি গভীর শ্রদ্ধা জানিয়ে বাংলাদেশসহ বিশ্বের সকল শিশু কিশোর কে আন্তরিক শুভেচ্ছা জানান। তিনি বলেন ১৯২০ সালের ১৭ই মার্চ গোপালগঞ্জের টুঙ্গিপাড়ার শেখ পরিবারে বঙ্গবন্ধু জন্মগ্রহণ করেন। বঙ্গবন্ধু শৈশবকাল থেকেই ছিলেন নিভীক, দয়ালু এবং পরোপকারী। ক্ষুলে পড়ার সময় থেকেই তাঁর নেতৃত্বের গুনাবলি বিকাশ লাভ করতে থাকে। ধীরে ধীরে তিনি হয়ে উঠেন বাঙালির অধিকার আদায়ের একমাত্র আশ্রয়স্থল। শিশুদের প্রতি ছিল জাতির পিতার অপরিসীম মমতা। তিনি বিশ্বাস করতেন এই শিশুরাই তাঁর স্বপ্নের সোনার বাংলাদেশ গড়ে তুলবে। তিনি আরও বলেন, মহান নেতার জীবন ও আদর্শ অনুসরণে এ দেশের শিশুদের সুনাগরিক হিসেবে গড়ে তুলতে মাননীয় প্রধানমন্ত্রী শেখ হাসিনার নেতৃত্বে বর্তমান সরকার কাজ করে যাচ্ছে।

সর্বশেষে জাতির পিতার বিদেহী আত্মার মাগফিরাত কামনা করে, আগামী দিনের কর্ণধার শিশুদের উজ্জ্বল ভবিষ্যৎ ও দেশের সর্বাঙ্গীণ মঙ্গল কামনা করে বিশেষ মোনাজাত করা হয়।





